

Referat frå FAU-møte

Tid: 04.11.2019

Stad: Ostereidet Barneskule

Til stades:

Stine Hindenes Fosse (2019/2020)

Eva Hindenes (2018/2020)

Siri Hindenes (2019/2020)

Bente Hindenes Myklebust (2019/2020)

Henriette Nævdal Telle (2019/2020)

Marius Hindenes (2018/2020)

Elise Søyland (2018/2020)

Kari Zahl Nævdal (2018/2020)

Eva Kristin Bakke (2019/2020)

Benedicte Jordal-Aarra (2019/2020)

Lene Hindenes (2019/2020)

Siv Merethe Midtgård (2019/2020)

Ikkje til stades:

Ida Anette Knoff Solheim (2018/2020)

Vivian Hanstveit (2018/2020)

Aktuell sakliste

1. Gjennomgang/godkjenning av referat frå FAU-møte 01.10.2019

Referatet vart godkjent utan innvendingar.

2. Skulerute 2020/2021

Gjennomgang skulerute. Ingen innvendingar frå FAU.

3. Skulefotografering

Diskusjon om kven som er aktuell. Yvonne (frå barnehagen) eller Foto Norden. Vi landa på Foto Norden. Eva gjer beskjed til rektor om valet.

4. Temakveld

Forslag til teambuildingkveld? Foreldre og elevar på same lag, løyse oppgåver. Har vore suksess på andre skular. Håvard Tjora aktuell, kanskje litt dyr, går på motivasjon. Vi sjekker opp i dette. Kanskje BUP? Helsesjukepleiar og kommunepsykolog har hatt temakveld på ungdomsskulen om psykisk helse. Aktuelt? Vi høyrer med Håvard Tjora (Bente), Dag Nordanger (Eva Bakke), helsesjukepleiar (Bente). Temakveld er satt til slutten av mars, dei siste 2 vekene. Kjem an på kva som passar best for føredragshaldar. Dato må setjast når vi har undersøkt litt meir.

5. Trygg trafikk

Sjå også sak under «eventuelt». Reflekskampanje har allereie vore i haust. Vi kan oppfordre til bruk av refleksvest/refleksar. Til dømes ein konkurranse mellom klassane om flest elevar med refleksvest i løpet av ei veke eller to. FAU kan stå for premien til den klassen med høgast andel refleksbruk blant elevane, kanskje kosetime med snop eller noko anna godt? Siri kan lage skjema for utkryssing og sende til rektor.

Innspel frå forelder om at det er veldig mørkt når ein skal levere ungar på sfo om morgonen på hausten/vinteren. Burde vore ein lyssensor på veggjen til sfo-bygget (lyse litt nedover vegen), som automatisk slår seg på når det kjem folk. Ønskje om å få dette på plass så snart som mogleg.

Ang. bussproblematikken. Skulen har levert inn kor mange elevar som skal ha plass på buss. Skyss er ikkje einig i antall elever som skal ta bussen? Det er opp til foreldra å ikkje sende barna med bussar som er fulle (demonstrasjon). Bussjåførane skal eigentleg ikkje sleppe inn fleire når det ikkje er plass. Vi kan høyre med Fylkeskommunen kor mange plassar dei dekkjer hos Skyss. Kva får dei for dette, økonomisk sett? Vi ser på det og sjekker om det stemmer i praksis. Det går på trafikktryggleiken til borna, så noko må gjerast. Det er ca. 20 stk. i overlast på bussane. Sjekker på neste møte om rektor har fått svar frå Skyss (på brev han har sendt tidlegare).

6. Julegraut

Dato vert mest sannsynleg tysdag 10. desember. Synnøve Totland kan koke graut. Tomatsuppe til dei som ikkje et graut. Synnøve handlar inn til dette, ho har handleliste frå før. Kvar klassekontakt må skaffe 1 person som kan hjelpe til. Sjå sms frå Eva og rediger dokument. Legg ut på FAU-sida på fb (Siri).

7. Eventuelt

Innspel frå forelder: Det er skummelt når bilane køyrer heilt til inngangen til gymbygget, særleg når det er mørkt. Borna spring inn og ut utan å sjå seg for. FAU tek kontakt med kommunen ang. eventuell kjetting eller skilt for å unngå slike situasjonar (Eva). Skrive eit påminningsbrev til alle foreldre? Lærarar kan skrive ei påminning på lekseplanane i alle klassane. Skulen kan og sende ut sms til alle foreldre og be dei ta omsyn.

Det vart teke opp ei sak frå Ostertun. Dei ønskjer at skulen skal lage ein peparkakeby som kan stillast ut på Ostertun. Veldig koseleg. FAU seier ja! Eva spør rektor om dette er ok.

Det har kome eit innspel frå ein forelder som reagerer på at det står ordet «lyer» i klassereglane. Medlemmane i FAU verkar ha delte meningar om dette innspelet. Nokre meiner at om vi tek bort regel nr. 3 om å «lye alle vaksne», så står regelen framleis der under regel nr. 4 (eg følgjer beskjedar utan å diskutere). Andre er ikkje heilt einig. Vi tek innspelet opp att på neste møte.

Det vart teke opp dette med at elevane ikkje får tid til å dusje etter gym/symjing før nye elevar kjem inn. FAU kan kanskje skrive eit brev til kommunen om at det er så fullt i symjehallen (pga andre elevar frå andre skular som skal inn). Dette med tanke på at vi treng Osterhallen kjapt!

Det vart teke opp at begge klassekontaktar må stille på alle FAU-møter. FAU oppmodar til at alle stiller på alle møter, men det er heilt ok og akseptert av FAU at vara ikkje stiller på alle møter.

Organisasjonsnummer i høve Vipps til 17.mai er ikkje klart enno. Elise er på saka. 17.mai-minnepennen for matkomiteen vart levert til ny foreldrekontakt. Dei andre komiteane har ikkje fått minnepenn, men Elise er på saka.

FAU prøver å skaffe ein julenisse til juleavslutninga i desember. Hadde vore kjekt for alle med ein nisse!

Dato for neste FAU-møte: Måndag 02.12.2019 kl. 18:00